

**שמות פרק י"ט - א** בחדש, השלישי, לצאת בני-ישראל, מארץ מצרים--ביום הזה, באו מדבר סיני. **ב** ויסעו מרפידים, ויבאו מדבר סיני, ויחנו, במדבר; ויחן-שם ישראל, נגד החר. **ג** ומשה עלה, אל-האלהים; ויקרא אליו ה', מן-החר לאמר, **כה תאמר לבית יעקב, ותגיד לבני ישראל.** **ד** אתם ראיתם, אשר עשיתי למצרים; ואשא אתכם על-כנפי נשרים, ואבא אתכם אלי. **ה** ועתה, **אם-שמוע תשמעו בקלי, ושמתם, את-בריתי--והייתם לי סגלה מכל-העמים, כי-לי כל-הארץ. ואתם תהיו-לי ממלכת כהנים, וגוי קדוש:** אלה, הדברים, אשר תדבר, אל-בני ישראל. **ז** ויבא משה, ויקרא לזקני העם; וישם לפניהם, את כל-הדברים האלה, אשר צוהו, ה'. **ח** ויענו כל-העם יחדו ויאמרו, כל אשר-דבר ה' נעשה; וישב משה את-דברי העם, אל-ה'. **ט** ויאמר ה' אל-משה, הנה אנכי בא אליך בעב הענן, **בעבור ישמע העם בדברי עמך,** וגם-בד יאמינו לעולם; **ויגד משה את-דברי העם, אל-ה'.** י ויאמר ה' אל-משה לד, אל-העם, וקדשתם היום ומחר; וכבסו, שמלתם. **יא** והיו נכנים, ליום השלישי: **כי ביום השלישי, ירד ה' לעיני כל-העם--על-הר סיני.** יב והגבלת את-העם סביב לאמר, השמרו לכם עלות בהר ונגע בקצהו: כל-הנגע בהר, מות יומת. **יג** לא-תגע בו יד, כי-סקול יסקל או-ירה יירה--אם-בהמה אם-איש, לא יחיה; **במשך, היבל, המה, יעלו בהר. יד** וירד משה מן-החר, אל-העם; ויקדש, את-העם, ויכבסו, שמלתם. **טו** ויאמר, אל-העם, היו נכנים, לשלשת ימים: אל-תגשו, אל-אשה.

**טז** ויהי ביום השלישי בהית הבקר, ויהי קלת וברקים וענן כבד על-החר, וקל שפר, חזק מאד; **ויחרד כל-העם, אשר במחנה.** יז ויוצא משה את-העם לקראת האלהים, מן-המחנה ויתיצבו בתחתית החר. **יח** והר סיני, עשן כלו, מפני אשר ירד עליו ה', באש; ויעל עשנו כעשן הכבשן, ויחרד כל-החר מאד.

**יט** ויהי קול השפר, הולך וחזק מאד; **משה ידבר, והאלהים יעננו בקול.**

**כ** וירד ה' על-הר סיני, אל-ראש החר; ויקרא ה' למשה אל-ראש החר, ויעל משה. **כא** ויאמר ה' אל-משה, רד העד בעם: פן-יהרסו אל-ה' לראות, ונפל ממנו רב. **כב** וגם הכהנים הנגשים אל-ה', יתקדשו: פן-יפרץ בהם, ה'. **כג** ויאמר משה, אל-ה', לא-יוכל העם, לעלת אל-הר סיני: כי-אתה העדתה בנו, לאמר, הגבל את-החר וקדשתו. **כד** ויאמר אליו ה' לד-רד, ועלית אתה ואהרן עמך; **והכהנים והעם, אל-יהרסו לעלת אל-ה'--פן-יפרץ-בם.** **כה** וירד משה, אל-העם; ויאמר, אלהם.

**כ: א** וידבר אלהים, את כל-הדברים האלה לאמר ... אנכי...

**רש"י פסוק ט: את דברי העם וגו'**

- תשובה על דבר זה שמעתי מהם - שרצונם לשמוע ממך, אינו דומה השומע מפי השליח לשומע מפי המלך; רצוננו לראות את מלכנו:

**רש"י פסוק י"ט משה ידבר**

- כשהיה משה מדבר ומשמיע הדברות לישראל - שהרי לא שמעו מפי הגבורה אלא (שמות כ ב) אנכי ולא יהיה לך והקב"ה מסייעו לתת בו כח להיות קולו מגביר ונשמע:

